

«Burua hotz eduki behar dut»

Diego Garcia azkoitiarrak postu ona baino marka bikaina nahiago du

Gaur korrituko den Munduko Maratoi Kopan euskal herritarren begiak Diego Garciarengana zuzenduak egongo dira. Azkoitiarrak aukerak badiu karrera polita egiteko, eta zergatik ez, podiumera iristeko. Etxean korrituko du, baina ez du nahi itsutzerik. «Burua hotz» edukitzea da bere kezka nagusietako bat.

DONOSTIA

Lau hilabete daramatza maratoi honetarako jo eta ke prestatzen Diego Garcia azkoitiarrak. Asko dago jokoan beretzat. Orain huts egitea porrot egitea ez bada ere, bere karrera marka lezake. Berak badaki gaurko zita oso garrantzitsua dela eta lehenbailehen eman nahi du aurreneko urratsa. «Lau hilabetetan entrenatzen aritu naiz, hiru mila kilometro baino gehiago eginez, urtebete konpetizio askorik egin gabe, Munduko Kopara bete-betean iristeko. Joko Olimpikoe-tan baino ilusio handiagoarekin nago. Etxean korrituko dut eta badakit Azkotia eta Azpetitik jende asko etorriko dela eta Gipuzkoa osoak lagundu egingo



Garciak hirugarren denbora onena du.

A. GILLENEA

nauela. Honek, motibatu egiten zaitu bereziki».

Etxean egote hau arriskutsua izan liteke era berean; izan ere, gehiegi pentsatu gabe, aurrera jo lezake, ohi baino erritmo biziagoan —Diegok kilometroa 3.03 edo 3.04ean egiteko asmoa du—. Azkoitiarra azkar berotzen den horietarikoa da eta aurreko batean, Azpetian bertan berekin entrenatzen aritu den batek zioenez, buruarekin korritzen badu, badiu podiumera iristeko aukerak. Bere kezka nagusienetakoa horixe da. «Burua hotz eduki behar dut. Zentzu onean, jendeaz ahaztu egin behar dut. Ez dut itsutzerik nahi. Badakit oso ongi nagoela baina atletaren bat ni baino azkarrago baldin badoa, joan dadila. Ni, neure erritmora joango naiz. Azkar hasita, bukaran pott egin dezakezu».

Bere helburua, noski, irabaztea da, baina oso zaila da. Egia esan, markari gehiago begiratzten dio postuari baino. «Markari balio gehiago ematen saiatuko naiz. Postuak badu, noski, bere garrantzia, baina nire helburua 2.10.00tik jaiste da —2.10.30eko marka pertsonala du—».

Faborito argirik ez du ikusten, «maratoi batean zaila baita pronostikoak egitea».

ORPOZ ORPO

● **GARAILEAK**, bai gizonezkoetan, bai emakumezkoetan, bost milioi pezeta (210 mila libera inguru) jasoko ditu. Taldeka, aldiz, dirutza txikiagoa patrikaratuko dute irabazleek, hiru milioi pezeta, hain zuzen ere. Dena den, ez dago gaizki.

● **250** atleta ofizial soilik ariko dira gaur Donostian. Horietatik 170 mutilak eta 80 neskak izango dira. Orotara, 42 kilometro eta 195 metroak egiteko asmoz, 3.350 atletak hartuko dute parte.

● **NESKAK** izango dira gaur iritien lehenak. Hasieran mutilek era neskek batera iriteteke asmoa zegoen, baina azkenean emakumezkoak gizonezkoak baino ordu laurden lehenago hasiko dira. Beraz, neskek goizeko 9.00etan aterako dira eta mutilak 9.15etan.

● **EGURALDI** ona espero da. Hori oso garrantzitsua da, zeren eta eguraldia aldatzen bada, beharbada taktika ere aldatu behar izaten da. Diego Garciak esan duenez, hego-haizeari beldurra dio. Korrikalariak gaur 13-15 bat graduoko tenperatura edukiko dute. Egokia oso. Junren Ma txinatarren entrenatzaileak ere, bere atletak zer egin dezaketean, eguraldiaren arabera zegoela esan du.

● **TRAFIKOA** itxita egongo da gaur goizeko 8.00etatik aurrera. Maratoia igarotzen den lekuetatik ezingo da autoarekin ibili eta antolatzaileek autobus bereziak jarriko dituzte. Arratsaldeko ordu bietan irekiko da berriro trafikoa.

● **IBILBIDEA** ongi neurtuta dago eta ez da, beraz, duela urte batzuko bezala, arazorik izango, eginiko denborak bertan behera utzi behar izan zituzten. Ibilbidea nahikoa konplikatu da, hiru itzuli baititu —6, 16 eta 20 kilometrokoak—, baina guztia ongi ateratzea espero da.

● **ANOETA**ko estadioan pantaila erraldoi bat ezarriko da, bertara hurbiltzen direnek maratoia ikus dezaten. Sarrera 750 pezetakoa da (31 libera inguru). Dena den, bada beste lekuri ikuskizunaz gozatzeko.

● **ATLETA** herrikoiek beste hamabost edizioetan baino arreta hobea jasoko dute. Anoi-emateko zerbitzu egokiagoa izango da, maratoia bukatzeko epea bost ordu luza dute, kilometro bakoitza ongi adieraziko da, irteategatik soilik domina, kamiseta, posterra eta beste zenbait gauza jasoko dituzte, bukatzen duenak diploma izango du...

● **AFARIA** antolatu dute gaueko antolatzaileek. Bertara, atleta ofizialak, kazetariak, antolatzaileak... joango dira. Goizean latz jardun ondoren, gauean indarrak hartzeko unea izango dute korrikalariak, eta hainbat astetan diziplina handiz aritu eta gero, parranda egiteko.

JOSE MARI SARRIEGI

IRITZIA



Diego Garciak podiumerako aukerak ditu

izango dela Budapestekin batera 'Grand Prix-erako' puntuagarriak diren bi proba —krossa eta pista estalita— antolatuko dituen hiri bakarra: Nazioarteko Krossa (urtarrilak 30) eta Donostia Hiria (martxoak 3). Proba guzti hauekin, atletismoa da gure hirien izena zabaltzeko bide onenetarikoa.

Horrela ulertu dute, eta horregatik, lehiaketa garrantzitsu hau berma guztiekin egin ahal izateko, goizeko zortzitatik eguerdiko ordu biak arte hiriko trafikoa eten egingo da. Etenketa honek eragin ditzakeen eragozpen guztiak ulertuak izan daitezkeen deialdia egiten dugu hemendik.

Kirol aldetik ezin da ikusmira gehiago eskatu. Donostiako Maratoiak errekor bat hautsi du proba hasi aurretik, partehartzaile kopuruarena alegia. Hiru mila korrikalariak aise gaingitzen dituzte 1978ko lehen edizioan parte hartzaile izan ziren 2.576ren kopurua.

Gizonezkoak eta emakumezkoak ez dira batera aterako, hamabost minutuko tartearrekin baizik. Bedertziak puntu-puntu emakumezkoak irtenko dira, eta ordu laurden beranduago gizonezkoen txanda izango da. Lehen dilema hemen agertzen

zaigu: Gizonezkoak emakumezkoen aurretik sartuko al dira?

Bi sexuen munduko errekorren artean 14 minutu eta 16 segunduko aldea dago. Ingrid Christiansen norvegiararen munduko errekorra 2'21''06 da (1985) eta Belayne Dewsimo etiopiararena 2'06''50 da (1988). Denboraldi honetara arte, gizonezkoen errekorra hobetzea errazagoa izango zela uste zen, baina gauzek zertxobait aldatu dute.

Atleta txinatarren agerraldiak Atletismoaren mundua irauli du. Denboraldi honetan bertan Stuttgartko mundialean lortu dituzten txapelketa eta domina harrigarriak, eta duela gutxiago eskuratu dituzten 1.500, 3.000 eta 10.000 metroko errekorak harrigarriagoak izan dira iraultza egin dutenak. Yunxia Wang eta Qu Junxia izan dira bere protagonistak.

Horretaz gainera, edozein neurri egokitzeko gaitasun izugarria erakutsi dute, aurrean bertan maratoia 2'24''00n korritu baitute. Pekingo maratoian lehen zazpiak txinatarrek izan ziren, eta guztiek 2'27 baino gutxiago egin zuten. Junren bere entrenatzaileak ziurtatzen duen moduan, Donostian 2'22tik jaisten badira, ia ziurra da gizonezkoek ez dituztela

harrapatuko.

Gizonezkoen artean, pronostikoa irekiagoa da eta erakargarria guretzat. Diego Garcia podiumera igotzeko aukera izateak eragingo du ikusleek gizonezkoen probari arreta berezia jartzea.

Portugaleko Manuel Matias 2'08''38ekin (Berlin 92) du markarik onena. Luis Soares frantziar-portugaldarra (2'10''03), Diego Garcia (2'10''30) eta Richard Nerurkar ingelesak (2'10''57) dira bere ondoren faboritoak, maratoiaren historia ustekabea emaitzez bete izan arren. Beraz, Antonio Silio argentinararen moduko gizonei adi izan behar du.

Siliok bere lehen maratoia korrituko du, baina jada maratoi-erdiaren munduko txapelketa lortu du. Taldeka, Txinako emakumeek ez dute ariorik. Errusiarrak eta erreumanarrak izango dira bigarren postuarentzat lehian izango direnak. Gizonezkoen artean, hautagai asko daude lehen hiru lekuak betetzeko: Italia, Frantzia, Etiopia, Kenia, Erresuma Batua eta, zergatik ez, Espainia.

Eguraldia lagun izango dugula dirudi. Beraz, maratoi ona opa dizuet guztioi.

Gizonezkoak eta emakumezkoak ordu laurdeneko aldearekin aterako dira. Lehen dilema hemen agertzen zaigu: gizonezkoak emakumezkoen aurretik sartuko al dira?